



CENTRI CIVILNIH INICIJATIVA ЦЕНТРИ ЦИВИЛНИХ ИНИЦИЈАТИВА

SAOPŠTENJE ZA JAVNOST (Sarajevo, 08.03.2019.)

PORUKA POLITIČARIMA U BIH, POVODOM MEĐUNARODNOG PRAZNIKA ŽENA

PRESTANITE VRIJEĐATI ŽENE, PRESTANITE VRŠITI DISKRIMINACIJU I GENERIRATI NERAVNOPRAVNOST U DRUŠTVU I PRESTANITE KRŠITI ZAKONE I URUŠAVATI PRAVNU DRŽAVU!

Centri civilnih inicijativa, uz čestitke ženama u BiH, za 8. mart, upozoravaju na neprihvatljivo ponašanje ovdašnjih političara, na svim nivoima vlasti, koji ženama u BiH uskraćuju prava koja su im garantovana zakonom.

Naime, sastavom svih dosad (nakon posljednjih izbora) imenovanih vlada, nastavlja se neprihvatljivo kršenje Zakona o ravnopravnosti polova u BiH, koji jasno propisuje da zastupljenost manje zastupljenog pola ne smije biti ispod 40% i da se sve ostalo smatra diskriminacijom, čije se otklanjanje ovim zakonom zahtjeva.

Dodajmo na to i neprihvatljivo malu zastupljenost žena u zakonodavnim institucijama vlasti. Koja se, indikativno, smanjuje sa povećanjem nivoa vlasti. Pa je taj broj na kantonalnom nivou oko 30%, na entitetskom oko 25%, a na državnom svega oko 20%.

Što zapravo korespondira sa položajem žena u stranačkim rukovodstvima, zarobljenim u patrijarhalnom obrascu funkcionisanja. Koji i jesu najodgovorniji za aktualno stanje.

Nijedna od vlada u BiH, trenutno, nema ženu na mjestu premijera. Broj žena u 6 novoimenovanih vlada je i do 4 puta manji od propisanog zakonom. A u HNK i ZDK su još uvijek aktivne vlade iz prethodnog mandata, koje u svom sastavu nemaju nijednu(!) ženu (što je poseban skandal).

Dodatno, samo Skupštine ZDK i BPK i Predstavnički dom PS BiH – 3 od 16 institucija zakonodavne vlasti u BiH (posmatrajući domove naroda odvojeno) – imaju ženu na mjestu predsjedavajućeg. A i rukovodeća mjesta klubova stranaka i skupštinskih radnih tijela, dominantno zauzimaju muškarci.

Mi nažalost, imamo vlast koja, umjesto gradnje i učvršćivanja pravne države i garantovanja ljudskih prava svim svojim građanima i strogog kažnjavanja diskriminacije, po bilo kom osnovu, radi sve suprotno od toga – krši prava svojih građana, urušava pravnu državu i sama proizvodi ili provodi sistemsku diskriminaciju. Uključujući i ovu na rodnoj osnovi.

CCI, u ime građana ove zemlje, zahtjeva poštovanje zakona i ljudskih prava, formiranje vlada u skladu sa važećim zakonskim propisima, te izmjene Zakona o ravnopravnosti polova u BiH, na način da se u njemu precizira individualna i kolektivna odgovornost za kršenje Zakona i unesu jasne i stroge sankcije.


Sve dotad, čestitke političara, ženama, za njihov međunarodni praznik, treba odbaciti kao cinične i uvredljive floskule, koje dolaze od onih koji ženama oduzimaju njihova zakonom garantovana prava.

Ne zanimaju nas riječi – ni čestitke, ni obećanja – nego djela. Prestanite vrijeđati žene i njihovo prisustvo u vladama svoditi na beznačajni minimum ili ih potpuno odstranjivati iz (izvršne) vlasti.


Prestanite vršiti diskriminaciju i generirati neravnopravnost u društvu i prestanite kršiti zakone i urušavati pravnu državu!

*Za sve informacije molimo da kontaktirate Anu Lučić
(mob. 063 396 519; e-mail: ana@ccibh.org)*

Polna struktura vlada u BiH (na dan 08.03.2019.)



Procentualni prikaz zastupljenosti žena u izvršnoj vlasti u BiH (na dan 08.03.2019.)



NAPOMENA: Vlade označene zvjezdicom još uvijek su u tehničkom mandatu, odnosno, umjesto njih, do 08.03.2019., nisu imenovane nove vlade, od novog saziva skupština, izabranog na izborima u oktobru 2018.

Od novoizabranih vlada, vlade USK, PK i SBK imaju nepromjenjen procenat žena, u odnosu na prethodni mandat, Vlada ZHK ima manji procenat (sada ima samo 1 ženu u devetočlanoj vladi). A vlade KS i RS imaju veći procenat žena, nego u prethodnom mandatu (u Vladi KS je broj žena veći za 1, a u Vladi RS za 2, nego u prethodnom mandatu).